

Chanzuns baintemperadas per in vusch zunt chauda

La chantautura Chiara preschenta ses emprim album cumplet «da mesanotg»

DA BENEDETTO VIGNE

¶ Chiara Jacomet ha ina bella vusch chauda e simpatica che sgarguglia sensual en ils bass e sautiglia tentalus en ils auts. Quai ha la chantautura da Rabius demussàgia sines mini-album «mascras» dal 2017. Malezza laver giuvenila aveva, sper ina tscherta monotonia musicala, ina tendenza vers in liricsem pubertar che oscillava tranter il «ti» ed il «jeu» predicator, e che discurriva savens mo da sentimentalitads e tut las flosclas liadas a quellas. Sin ses emprim vair album «da mesanotg», produci da Manfred Zazzi, emprova Chiara uss cleramain dad evader da questa strenga artistica. E per quest intent sa lascha ella gidar da la poetessa ed autura Asa S. Hendry, coetana sia. Gia ils titels reflecteschan la frestgezza da quella collaurazion: «glatsch da citrona», «libellas selvadias», «calzers vegls». Ma er texts che Chiara ha scrit suletta portan gia quella nova colur en sai: «glischs blauas», «emblidabucameis» – l'emprest germanic per noss chalamandrin che la chantautura dovrà qua per far in bel gieu da pleds, «emblida buc mei biala stad.» Nundir da la garmaschia da far rima tranter citrona e Verona!

«Sche nossas levzas sentaupan»

Be mintgatant pizza anc siador in da quels stoda pleds abstracts che ruinan magari spert la poesia: absurditat, confruntaziun, atgnadad... Tge che plascha perencunter zunt fitg è quant avert e nunpatetic che Chiara tematisescha amur e passiun – in topos che chantauturs e chantauturas rumantschas dal passà evitavan mo memia gugent: «lein carezar in l'auter sempitern», di ina lingia en la chanzun principala, «sche nossas levzas sentaupan» udinsa en in autre lieu. Dasperas datti muments in zic contradicto-



rics: Va quai, sche ti «tiu tgierp cul ritmus muentas», va quai en medem mument da «tiu cor per in mument ruassar»? Problematica para er la chanzun «agen assassin», ils chavazzins enumerads là han in tif da flosclas: «fantoms fatals dil vargau, la glisch dil futur tralaschau» – bain ina bella alliteraziun, ma insaco croda Chiara qua enavos en confusiuns adolescenticas. Meglier exprima ella quellas bregias en las «glischs blauas»: «mias rodas ein adina en moviment – sco mes dubis che roteschan traso».


Baintemprà e variant

Sin ina bona via pia. E quai er cun la musica: Las chanzuns dal primalbum da

Chiara èn baintemperadas e variantas, diesch atgnas composiziuns che fladan la feminitad da l'entira grupp che sa numna er «Chiara»: Ellas na bandunan zwar strusch la sveltezza mesauna ed il modus dal mol, ma elllas strivlan bufatg zinslas da reggae, da funk e ska, ristgan ritem pesants, stops imprevis e midadas da tempra, tact e tempo. E mintgatant schizunt ina pitschna assonanza.

L'entira rimnada vegn manada franca-main da battaria (*Momo Kawazoe*) e bass (*Lea Huber*), pertada da las tastas da la maistra, ornada da grondius agens chorus e dad inquala figurina da ghitarra (*Larissa Cathomen*). Ina da las duas unicas chanzuns englaisas mussa chants ospi-

tants da duas amias da la giuvna chantautura sursilvana. Ma en il center flurescha la vusch da Chiara, che collia mintgatant pliras lingias senza perder il flad, purtond bellischems melismas sur pliras notas, manond quellas famusas scurlattadas ensi ed engiu, figuras che genereschuan qua e là frasaziuns inusitadas, zaclinas che paron dad ir cunter la lingua – sco gist per exemplar tar il «glatsch da citrona». Ma nagni dubi, «da mesanotg» è in album che gudogna bellezza al tadlond datier e sapientivamain.



Il cover dal nov album «da mesanotg» da Chiara Jacomet

Chiara: «da mesanotg» (R-Tunes)

Chiara Jacomet e sia band:
Momo Kawazoe, Lea Huber,
Chiara Jacomet e Larissa Cathomen
(da san.).

MAD